

TORVOTÁÁIDUH JÁ PÁRNÁÁ ROPPÁ

TIÄTU, TÁIDU JÁ JURDÁČČEMVYEHI



NOOMAH
ULMUU ROOPÁ
OOSIJD

MAID PÁÁRNÁŠ KALGA TIETTID

Maainást párnázân ulmuu roopá puoh oosijn.

Máttát párnázân saaniid, moiguin roopá uásih kočoduvvojeh.

Uápásmuu párnáin ulmuu roopân maangánáál: keččáđ kuuvijd, sárguđ já sieráđid.

MAID PÁÁRNÁŠ KALGA MÁTTID

Páárnáš tiätá, et puoh roopá oosijn uázžu sárnuđ rávisulmuiguin já eres párnáiguin.

Páárnáš máttá sárnuđ jieijás roopást.

Páárnáš máttá kevttid hiäivulijđ já tuhhiittettee noomáid roopá oosijn.

MAID PÁÁRNÁŠ JUURDÁŠ JIEIJÁS ROOPÁŠT

Ulmuu roopá puoh uásih láá siämmáá pyereh.

Lii teháláš árvuštíd já tipšođ jieijás roopá.

Puohlágán roopah láá siämmáá pyereh.

Lii pyeri, et láá maangálágán roopah.



VUOJÁDEM-
PIVTÁSNUOL-
GÁDUS

MAID PÁÁRNÁŠ KALGA TIETTID

Maainást párnázân, et vuojadempihtás vuoluubeln leijee roopá uásih láá párnáá jieijás uásih. Páárnáš uázžu meridiđ tain jieš.

Kihheen ij uážu kuoskáđ vuojadempihtás vuoluubeln leijee oosijd, ij uážu keččáđ taid tai sárnuđ tain jis páárnáš ij lah adelám love.

Uápásmuu párnáin vuojadempivtásnjuolgádušan maangánáál: keččáđ kuuvijd, sárguđ já sieráđid.

MAID PÁÁRNÁŠ KALGA MÁTTID

Páárnáš iärut roopá priivaatsoojijđ, maid ij taarbáš čäittid kiässán, jis ij haalijđ.

Páárnáš tiätá, et nubbe olmooš puáhtá keččáđ tai tutkáđ nube ulmuu vuojadempihtás vuoluubeln leijee oosijd tuše, jis tot lii kuábbáá-uv mielást lováláš já suotás.

Páárnáš tobdá vuojadempivtásnjuolgáduš já máttá ettäđ ij, jis kiinii rikko njuolgáduš.

MAID PÁÁRNÁŠ JUURDÁŠ JIEIJÁS ROOPÁŠT

Roopást láá eromáš, priivaat já tivrás sajah.

Taid kalga já uázžu suoijid.

Taid ij koolgá čäittid puohháid, veikká toh láá pyereh já tivráseh.



KUOSKÁTEM
NJUOLGÁDUS

MAID PÁÁRNÁŠ KALGA TIETTID

Maainást párnázân, moi naliiguin nube puáhtá kuoskättid. Nube ulmuu uázžu kuoskättid tuše, jis tot oro nube mielást vuovásin já loválážžân.

Roopá kuoskättem ij uážu orrood unohássân, ige tast uážu šoddáđ nievris mielá.

Juáháš tiätá jieš pyeremustáá, magarin kuoskättem oro já haalijđ-uv tom. Vuovás kuoskättem ij lah syeligásvuotá.

Vuovás kuoskättemist šadda torvoláš já pyeri mielá. Unohis kuoskättem keežild olmooš poovčást, pala tai lii suttám.

MAID PÁÁRNÁŠ KALGA MÁTTID

Páárnáš máttá kojáđid love, ovdil ko kuoskät nube ulmuu, ovdámerkkân cummáluš tai kuáská priivaat soojijđ.

Páárnáš máttá tubdäđ, et láá jieškote-uvlágán kuoskätmeh moh oroh ereslágánin.

Páárnáš máttá tubdäđ jieijás tobdoid.

Páárnáš máttá ettäđ ij, jis ij haalijđ kuoskätuđ.

Páárnáš osko, jis nubbe páárnáš kiäldá kuoskätmist.


MAID PÁÁRNÁŠ JUURDÁŠ JIEIJÁS ROOPÁŠT

Párnást lii väldi meridiđ tast, kii kuoskät suu roopá.

Nube ulmuu roopá kalga ain kunnijättid.

Puoháin lii vuoigádvuotá meridiđ jieijás roopást, já tom kalga ain kunnijättid.

Kihheen ij uážu sárnuđ fasteeht kiännán roopást, tondiet ko tot sáttá povčägittid já oro unohássân nube mielást.



KUULMÁ CEEHI
NJUOLGÁDUS

MAID PÁÁRNÁŠ KALGA TIETT

Máttát párnázân kuulmá ceehi njuolgáduš.

1. Eeđá IJ.
2. Vyelgi meddäl.
3. Maainás uápis, torvolii rávisulmui.

MAID PÁÁRNÁŠ KALGA MÁTTID

Páárnáš máttá toimäđ rievtnináál, jis sun pala tilälášvuodást tai tot oro unohássân.

Páárnáš máttá tubdäđ unohis kuoskättem já aldavuodá já kiäldáđättäđ tast, jis tot oro unohássân.

Páárnáš máttá uuccäđ iše.

MAID PÁÁRNÁŠ JUURDÁŠ JIEIJÁS ROOPÁŠT

Páárnáš uázžu piäluštättäđ.

Rávisulmuuh išedeh párnáá kuulmá ceehi njuolgáduš nuávditmist.

Páárnáš puáhtá já uázžu uuccäđ rávisulmuin iše.

Torvolijđ rávisulmuid kannat mainástid, jis kuoskättem lii orroom unohássân.

vaestoliitto.fi/lapsijaseksuaalisuus